

五經同卷

學一

賢者五福經

天請問經

護淨經

木患經

無上處經

卅

賢者五福經

西晉河內沙門白法祖譯

聞如是一時佛在舍衛國祇樹給孤獨園佛告諸比丘賢者說法時有五福德何謂為五福德其人所生則得長壽是為一福德其人所生即得大富饒財多寶是為二福德其人所生即端正無比是為三福德其人所生即名譽遠聞是為四福德其人所生即聰明大智是為五福德何因賢者說法得長壽用前世說法時上語亦善中語亦善下語亦善其義備足歸家無為好殺之人聞法即止不殺用是故得長壽何因說法之人得大富饒財

多寶用前世說法時上中下語其義備悉歸家無為盜竊之人聞經即止不盜便能施與用是故得大富何因說法之人得端正無比用前世說法時上中下語其義備悉歸家無為令聞法者和氣安之即顏色悅自生光澤用是故得端正何因說法之人得名譽遠聞

用前世說法時上中下語其義備悉歸家無為令聞法者敬佛敬法敬比丘僧用是故得名聞何因說法之人得聰明大智用前世說法時上中下語其義備悉歸家無為令聞法者曉了妙慧用是故得聰明大智是為五法說經者得教也諸比丘聞經歡喜前為佛作禮

學一

佛說賢者五福德經

天請問經

唐三藏沙門玄奘奉詔譯

如是我聞一時薄伽梵在室羅筏國住誓多

林給孤獨園時有一天顏容殊妙過於夜分
來詣佛所頂禮佛足却坐一面是天威光甚
大赫奔周遍照曜普多園林尔時彼天以妙
伽他而請佛曰

云何利刀劍 云何碎毒藥 云何熾盛火
云何極重暗

尔時世尊亦以伽他告彼天曰

產言利刀劍 貪欲殄毒藥 瞋恚熾盛火
無明極重暗

天復請曰

何人名得利 何人名失利 何者堅卸冑
何者利刀仗

世尊告曰

施者名得利 受者名失利 忍為堅卸冑
慧為利刀仗

天復請曰

云何為盜賊 云何智者財 誰於天世間
說名能劫盜

世尊告曰

邪思為盜賊 尸羅智者財 於諸天世間
犯戒能劫盜

天復請曰 誰為最安樂 誰為大富貴 誰為恒端嚴
誰為常醜陋

世尊告曰

少欲最安樂 知足大富貴 持戒恒端嚴
破戒常醜陋

天復請曰

誰為善眷屬 誰為惡心怨 云何極重苦
云何第一樂

世尊告曰

福為善眷屬 罪為惡心怨 地獄極重苦
無生第一樂

天復請曰

何者愛非宜 何者宜非愛 何者極熱病
誰是大良醫

世尊告曰

諸欲愛非宜

解脫宜非愛

貪為極熱病

佛是大良醫

天復請曰

誰能覆世間

世間誰所魅

誰令捨親友

誰復障生天

世尊告曰

無智覆世間

世間癡所魅

慳貪捨親友

染著障生天

天復請曰

何物火不燒

風亦不能碎

非水所能爛

能扶持世間

誰能與王賊

勇猛相抗敵

不為人非人

之所來侵奪

世尊告曰

福非火所燒

風亦不能碎

福非水所爛

能扶持世間

福能與王賊

勇猛相抗敵

不為人非人

之所來侵奪

天復請曰

我今猶有疑

請佛為除斷

今世往後世

誰極自欺誑

世尊告曰

若有多珍財

而不能修福

今世往後世

彼極自欺誑

尔時彼天聞佛世尊說是經已歡喜踊躍歎

未曾有頂禮佛足即於佛前欬然不現

天請問經

學一

四

佛說護淨經

失譯今附東晉錄

佛往昔共阿難行遇值一池東西四十里南北四十里深四十里池中有蟲其似蜎蜎形黑如墨佛語阿難識此蟲不荅言不識佛語阿難此池中蟲者十方世界本眾僧食不淨食墮此臭穢糞屎池中常食不淨五百萬世中受此苦惱竟後復五百世中墮餓狗中常